



392901
392926

BIBLIOTHECA
VNI' S. MARCI
CRAV. VENET.

Ms. St. Or.

III

2527 III. 5. 7



Ex-Libris
PODHORCE

AGT 687




392901

392926

Mag. St. Dr. III

1041



2

1840
John

1840

DOLOR
FVNERVVM
COMES,
LACHRYMARVM
PRINCEPS,
PARENTALIVM AFFECTVVM
DUX & IMPERATOR.

Ad Triumphale Ferendum
CELSISSIMO AC REVERENDISSIMO
D. HIERONYMI AVGVSTINI
LVBOMIRSKI

In Wislitz & Sienoslaw Comitatibus

S. R. IMPERII PRINCIPIS
CASTELLANVS CRACOVIE
SVPREMI EXERCITVS

Memori Heroicae Virtutis

HEROICVS.

Ad ripam exundantis in lachrymas SRENLAVÆ


Præficâ Melpomene
DECANTATUS

à Polona Provincia Scholarum Piarum.

Anno 1708. 18. Junij.

VARSAVIÆ

Typis Collegij Scholarum Piarum.



Sublata ex oculis virtus , tantum sui desiderium
relinquit, ut laudari omnino sine aliquo DOLORE
non possit. *Remondus in funere Philippi Gvastavil.*

Funus nobis , Ille est ; magnoq; vulneri continu-
us DOLOR. *Puteanus in funere Lipsij.*

Lugete populi ! hic ille Libertatis Vindex ! qui
ut sui quiescerent, nunquam quievit. *Emm. Thesaur.*

Dilecta valet FLVMINA. *Claud. lib. 2. in Eutr.*

Tristesq; DOLOREM
Quantumvis mœsti, fac alto CORDE premamus.
Homer. Iliad. 5.



392906

III



LESSUS FUNEBRIS.

I.

PAllete fatis purpuræ!
Mors vivit in Senatu!
Sellas Honoris occupat,
Magni jacent Statores!

II.

Ditesce gemmis palpebra!
Non pauperem repossunt
MITRÆ dolorem PRINCIPES,
AVRELIJq; Nomen.

III.

DVX cessit. hinc absq; ordine
Confuse vade mæror!
Luctus frequentes militent,
CLAVAM regente Fato.

IV.

Extingue frontis lumina,
Liquate cordis imber!
Somno quiescens funebri,
Noctem precatur VMBRA.

V.

Cubent ut OSSA mollius,
Pupilla stillet undis!
Guttæ cavabunt marmora
Emollientq; bustum.

CERÆ

VI.

*CERÆ parentes ardeant !
 Quæretur inter umbras
 Sepulta GEMMA pulveri,
 Damnum Lechi CORONÆ.*

VII.

*Ad IUSTA censum funebrem
 Mortis citat tribunal ;
 SRENIAVA gemmet lachrymis,
 Dolor tributa pendat.*

VIII.

*Heu ! quam severâ parcitis
 Crudelitate Parcæ !
 O URNA fatorum CAPAX
 Quàm grande FLUMEN hauris !*

IX.

*En cæca mors ! quæ Lechicos
 Nequit videre SOLES,
 Jam crevit in tantum, ut premat
 CELSISSIMOS Gygantes.*

X.

*Sed quid querelas fundimus ?
 Non audiet loquentes,
 Dum se coronat Atropos
 Et in Mitra superbit.*

XI.

*Pacem quietis MANIBUS,
 Felix precemur ævum.
 Æternitatis influat
 Faustum SRENIAVA littus.*

PRINCEPS CELSISSIME,

FVNDATOR MVNIFICENTISSIME,

ILLVSTRISIME CAPITANEE BOHVSE AVIENSIS.

Parentalis Dolor, quamvis inter atrata hæc mortuali squallore iusta, densis offundatur nubi-
bus ; adhuc tamen orbitatem suam uno, sed
omni sole Illustrissimo solatur Sidere, Te superstitute,
TANTI PATRIS FILIO. Ploravimus super GEN-
TILITIA CELSISSIMÆ DOMVS FLVMINA
naufragium MAGNI FVNDATORIS. Duro, extra
Niobes commentum, obriguimus marmore ; quando ge-
minato funere in CELSISSIMA GENITRICE
TVA LAPIDEM ANGVLAREM amisimus. Sed
reparas Tantorum iacturam Nominum ; siccas obrutos
lachrymarum procellâ oculos, æmulis splendoribus par
UTRIq; Polone Alexander. Habemus Te alterû rarissi-
mis magnæ mentis dotibus Phœnicem è Magno Maximi
GENITORIS Cinere ; restauras occasum illius pari
Celsissimæ Indolis meridie. Vivit ille in ipsa funeris sui
morte ; & Laureatum ex sarcophago attollit verticem ;
quia totam in Te supremo fatorum anhelitu transfudit
animam ; totus immortalitate meritorum in Te immi-
gravit. Purpurâ & Mitris decoras Ipsius Virtutes
undè cum sanguine derivasti, cum Natalibus Ceris fer-
reum ad cruenta Martis opera induisti animum ; o-
mnemq; illius faciem ita vivâ lineamentorum circumfers
repræsentatione, ut omninò ambigamus mortuum, cum
gloriosis rectefactorum suorum miraculis totus in Te
videatur revixisse. In florido annorum Tuorum verè
revirescunt iam triumphales Tanti Bellatoris Laureæ,
quas

quas armatis in Martis campo succidit laboribus. Es-
fulget in Oriente iuventutis, veterani consilij lucidissi-
ma perspicacia, quo Patriam obscuro fatorum intene-
bratam vespere serenabis. Desinent profundo gemitu
PRINCIPEM ROMANI IMPERII SOLEM,
GENITOREM TVVM CELSISSIMUM Austri-
acæ deplorare Aquilæ; viduata suo HERCVLE
DVCA LIS REGNI CLAVA non ampliùs suam
fortitudinem enervi litabit Morti; publica Legum &
Libertatis Sacraria ereptum sibi à Superis Tripodem, co-
ram Cælo non conquerentur; quia Tu hæc Europæ &
Patriæ damna, prodigiosus ex omni Cæsar librato & in
hostes ferro, & pro Civibus consilio, compensabis. Re-
stituis Martem extinctum Romulus, Scipionem Afri-
canus, Traianum Nerva, AVGVSTINVM Au-
gustus & PRINCIPE TIARA, & coronatâ Virtu-
tum maiestate GEORGIVS. Sentiet vindicem Tui
Martis hastam, cruento confossus vulnere, si excubans
contra aureum Regni Nostri pomum, hosticus è late-
bris prorumpere audebit Draco; videbit conjurata in
Lechiæ perniciem Asia, quantus ad extremam illius
cladem ex Avitâ Tethyde Achilles prodieris; & tunc
primò barbari isti Phryges sapient ad immortale Nomi-
nis Tui elogium, postquam ferreis Te Duce plagis va-
pulabunt. Irrugiet iterum discusso fatorum somno in-
fractus HIERONYMI Leo, & pavore dejecta cadet in
adorationē Tuorum trophæorū rabies; Tu verò æmulâ
DIVO PARENTI felicitate, Rex eris non armorum
tantum, sed & animorum. Reddes pupillis Consiliorum
Sanctuarys oracula ipsa loquentem AVGVSTINVM;
quandò pro Aris & Libertate facundior perorabis Cy-
neas; & apertum Jani Templum aureâ Prudentiæ
clavi obserabis. Prævenis jam nostra auguria præ-
sentibus operum documentis; quæ futura fatidico
recen-

recensemus calamo, anticipata exhibitione repræsentas;
quando non Patrium tantum Orbem, sed etiam distermi-
nata longis terrarum sinibus Imperia, immensitate
Tuæ gloriæ implevisti. Vnus Tibi Magne Macedo non
sufficit orbis; cum amplitudinem Tuarum Virtutum
Polonia non posset capere; aliud quæsvisti Regnum,
in quo sufficiens Tuo animo theatrum reperires. Adj-
sti Cor Europæ Galliam, ipse LUBO MIRSCII SAN-
GVINIS COR & ANIMA; & tantum Tui invi-
scerâsti amorem, ut avulso Te, vitam sibi eripi autu-
maret. Plus enim ipsi cum AVITO SRZENIAVA
affudisti gloriæ, quam ex illo politissimæ Civilitatis fonte
derivâsti. Effloruerunt novo decore nativa Galliarum
Lilia, cum Nobilissimo AMNIS TUI decursu allue-
rentur. Pudit illa, Principes Florum, satis ambitioso
compellari titulo, cum Principem Tuæ Indolis, in-
genij, activitatis, & omnium cultissimarum dotum
Florem, Regio suo cultu non possent exæquare; ideo-
quæ quoties illis Reginam Tuam in Purpurâ Virtutem
obiecisti, pavido consternatæ metu pallorem in ipsis folijs
testabantur. Applauserunt festivo Tuo adventui docta
Parisiensis Sorbonæ Numina: Jam Principi Tuæ fron-
ti eruditæ Academus inclinabat lauros; nisi infensa re-
bus humanis fata cupressum lauro innexuissent, depo-
sito intumulum CELSISSIMO GENITORE.
Emori pene Tecum videbamur, tanto sauciati vulnere.
Iam toto SRZENIAVA liquidos à corde intimo fun-
debamus gemitus, nisi Tu redux ad solamen orbitatis
nostræ, ad CELSISSIMÆ DOMUS auxilia, ad la-
chrymas Patriæ oculis exhauriendas præstò advenisses.
Veneramur igitur in DIVIS CELSISSIMI PATRIS
CINERIBUS Te superstitem Calasantinæ Religionis
Patrem & Fundatorem. Accusamus iniqua mortis de-
creta, quod nobis Vitam animæ, animam Polonæ
Pro-

Provinciæ munificentissimum eripuerit Mæcenatem;
 Sed erigimur in melioris spei certitudinem, dum æqua-
 liter in nos profusa Tui CELSISSIMI SRZENIA-
 VÆ exundat munificentia. Stetimus à primis erecti
 fundamentis beneficâ Stanislai Palatini Cracoviensis
 Proavi Tui Celsissimi dexterâ in Podolinensi Collegio;
 Cui non satis fuit custodibus sui Patroni Aquilis umbrâ
 nobis sub obtentu alarum providisse, nisi etiam supra
 Rupellam Carpathicorum montium elevâisset; quando
 aureâ pennâ amplissimam votivæ nostræ paupertati in-
 scripsit Dotem. Post VLADISLAI IV. Fundatoris,
 secunda hæc in Regno Fundatio, primâ obligatis cordibus
 imposuit Palatinæ gratiæ memoriam. Loquentur muti
 Scholarum illarum lapides, pretioso Vestrarum Charitum
 attacti radio, plus quàm Paterna ad nostri erectionem
 impendia, quod Stanislao Amphione Podolinenses
 Thebæ surrexerint in Musarum ædificiū. Non iam lau-
 ro Delphicâ redimiet, sed coronâ devinctissimorum No-
 mini Vestro Filiorum cinget triumphatricem Lubomirsciorum Muniscen-
 tiam Ressoviensis Apollo. Cynthum ille in sinu Vestro, tripodem in prote-
 ctione Georgij Ducis & Mareschalci Magni invenit; postea à Celsissimo
 Parente Tuo superadditis beneficijs amplissimè cumulatus: Et sicut nos Prin-
 cipi Vestre Residentiæ adlateritios fecistis; ita semper à corde habetis.
 Interamnense Collegium, quot alveis in eucharisticon Vestrum dimanabit!
 nominis deductione palàm facit. Hinc Georgio Succamerario Regni fluct
 Oceanus gratitudinis; hinc coronatas immortalibus sertis habebit Classēs,
 quæ Nomen illius ad felices insulas Fame deportabunt; hinc sole clariùs
 videbit Europa, quod innatum sit Vobis Principes Celsissimi minimam
 Scholarum Piarum Religionem continuatis fovere amoribus. In Vestro
 nata, in Vestro adolevit sinu; Vestro pariter immoritura obsequio


Demississima ad plantas Tuas Principes

Scholarum Piarum
 Polona Provincia.

CAR-

CARMEN

PARENTALE.

rmorum Proceres ! belli Gradive minister !
Totus inextinctis per quem Septemtrio rixis
Ardet, & in populis regnant affinibus iræ,
Nec ponunt sibi fata modum, sed lege sinistrâ,
Fascibus impositas patitur Fortuna Secures,
Tantisper mitesce ferox ! violenta relinquant
Tela manum, date bella moram; dum iusta Dolori
Pendimus, & gelido lachrymas affundimus *Amni*.

Miscentur tumulis Tituli, splendoribus Vmbræ,
Ausâq; Principibus sese pileare Tyaris
Iactant Fata caput. Murex pallescit Honorum,
Dum formidatos regnatix pallida vultus (est !
Obruit, & Martis quondam, nunc mortis imago
Cujus inundantes non pridem cassida cristæ
Et galeæ cinxere caput, cui Sanguine Thracum
Irrubuit gladius, dubiæ discrimina pugnæ
Audaci toties vicit solertia motu,
Occumbit ! solitoq; prius victoribus ausu,
Miratur Dux ipse, manum non posse moveri.
Imperij Sacra Mitra jacet ! Clavasq; Ducales
Fatorum lex cruda regit ! SRENIAVA refusis
In lachrymas dimanat aquis ; sua damna Senatus
Luget, & exanimem Virtus herodæ Strategum,
Quo toties animata fuit, deplorat ademptum.
Sic ubi Phæbeam denso velamine frontem
Tempestat nebulosa tegit, tardumq; moratur
Vmbra diem, totus tenebris informibus aer
Squallet, & in riguos lacrymans dissolvitur imbres :

Ductor ut edomitis remeavit ab Alpibus Afer,
Romano memores populatus funere Cannas.
Et positis tumulum Pænus quæsit in armis ;
Indoluit Carthago Duci. Cum Grajus Achillem
Miles, & Iliacæ deflerent Hæctora Matres
Grassatus per castra dolor ; quin omine cladis

*Extinctos Duces suos,
Regna & Provincia
lugent. Sic Annibalem
Carthago, Achillem
Græcia, Hæctorē Troja,
&c.*

*Drusum Germanicum
Roma luxit.*

*Joannem Castriotum
Epyrus & Albania.*

*Mors Celsissimi Prin-
cipis Lubomirscij
Europam penè afficit.*

*Luget non tantum Pa-
tria cum Palatinatibus,
Provincijs, Regni Or-
dinibus;*

*Etiam gentes vicina
deposita hostilitate in-
dolent Virtuti heroica.*

*Gallia quoq; luctu sen-
tit, in Filio Tanti Pa-
rentis Georgio Lu-
bomirski.*

Territa collis tremuerunt Pergama muris.
Quæ Romæ facies! cum Te Germania Druse
Exanimem Latio, cum lamentabile bustum
Redderet, & mærens Aquilis Bellona rediret,
Atraq; Tarpejas pulsaret nænia rupes.

Caucasææ genuere specus, Albana querelis
Immagivit humus, postquam feralis in Hæmo
Rumor, & Æmathijs sonuit vox præfica campis,
Castrioto ponente animam; tunc Thessala Tempe
Funestavit hyems, planxit Rhodopeia Thracè,
Quin & barbaricas fatum concussit Amyclas.

Hac luctus in morte stupent! nec Patria tantum
Europè, quod ploret, habet; tot regna, tot urbes,
Et populis revocata salus, condantur in uno
Funere! Sauromatùm suspiria Littavus urget.
Libertas perculsa tremit, pavidumq; sequuntur
Funus, inornatæ, pompâ squallente Curules.
Tristè gemunt *Gracij Fasces*, *Rossi*q; Leones,
Prospina Palatinis mærens admurmurat undis.
Non *Chronus* sua damna tacet, non littora *Dvina*.
Luget Eques, Proceresq; togæ, belliq; Juventus,
Impatiens lachrymæ, iusto nunc victa dolore
Cernitur armatos ploratu spargere vultus.

Lechia nec solum pluvijs arentia guttis
Ora rigat! luctum pariter Vicinia sentit.
Crudeles etiam tantis mæroribus iræ
Non renuunt frangi, & duris mollescere fibris.
Fluctibus in medijs licet æmula ripa Turanti
Adgemit, immitemq; movent hæc funera Volgam.
Hybernâ quamvis glaciata rigescat ad Arcton,
Durior in fletum Scythiæ pupilla liquefeit
Hostiles exuta minas. Moldava Senectus
Ultorem revocat gemitu; fletusq; Polonos
Vistula Vandaliæ diffundit in æquora Thules
SRENIAVA pallente pavens. Gemit ipse Visurgis
Et propugnati Germanica littora *Rheni*.

Pannonius querulo subtristior amne *Tibiscus*
Hausta Viennensi lamenta renuntiat *Istro*.

Nec tacitis devolvit aquis hunc *Sequana* luctum,
Quo flet teste Patrem, magni pars magna Doloris.

Non

Non tenui suprema labant fastigia casu,
 Majorumq; gemit sonitu maiore ruina.
 Auditur succisa cedrus; dum sternitur ilex;
 Responsat vocale nemus; Phæboq; cadente
 Longior in valles à monte revolvitur umbra.
 Non Tibimet moreris vitâ *Dignissime Princeps*;
 Sollicitas commune bonum; Mitræq; Ducali
 Publica Regnorum & Regum, fortuna parentat.
 Cum fera rixantem findit discordia mundum,
 Et conjuratas rapit in contraria gentes,
 Scissaq; fraternis rimatur pectora telis:
 Ruperunt elementa fidem, discordibus intra
 Temperiem dirimunt, & vitæ fœdera morbis,
 Immitiesq; secant, quæ nectunt stamina, Parcæ.
 O fati leges! atq; adversantia terris
 Iussa Poli! nimium Superi Te fortè potentem
 Leche videt, ubi magna Tuæ dant Nomina famæ;
 Protinus eripiunt, multo permissa labori
 Exiliq; moræ, Patriæ Solatia, Cives,
 Lætâq; laurigeros revocant ad Sidera Manes.
 Purpureus singultat Honor. vix nempe Sepulchri
 Alternos Lechicus descevit Scipio casus;
 Funestant iterum trabeas atrata dolorum
 Agmina, funereiq; diem cum Sole colores
 Abscondunt. Moritur Dux murice Summus, &
 armis

*Moritur inter publica
 Europa fata & tumultus,
 ubiq; grassante discordiâ.*

*Non pridem duo Mare-
 schalci Lubomirij,
 obiêre.*

*Summos in Repub. Ci-
 ves eodem tempore fa-
 tum extinxit.*

Ingens fama Ducum! cui mens, & vividus ardor,
 Marcellos, Fabiosq; pari virtute coæquat.
 Invasit Regum turres, & summa Potentum
 Limina, Magnatumq; Caput, non vile papaver
 Tarquinium superans fastu Libitina petivit.
 Sprevit vulgares tenebras, tot Lumina Regni
 Clausit, & in cineres, lucem pertæsa redegit
 Umbra. nec erubuit furtivo murice pallor.
 Quæq; sibi concessa videt, jam sumit in ipsos
 Iura Duces, Domino falces opponere Marti
 Audet, & agrestî decernere prælia ferro.

Tantané vis timidæ fuerit temeraria morti?
 Armatas gladijs acies, densataq; contra
 Agmina bellantum sine lumine & ordine tolli?

*Virtute, & gloriâ fata
vincit.*

Et nudâ pugnare manu? ruit æmula nempe
Andabatis, cæco Lachesis victura furore.
Nec tamen è tanto partis Herœe trophæis,
Supremum Pæana canet: vincitque, caditq;
Hic simul. alternum pensat victoria damnum.
Virtuti quid fata nocent? sub cardine busti
Libertatis amans, nescit captiva teneri.
Vulnera non patitur, nullo prosternitur ictu.
Nec feretrû commune pavet; de morte triumphû
Calcatâ securus agit, tumultoq; superstes,
Et major terris, metuenda pericula ridet
Ille *Animus*, nullâ solitus formidine vinci,
Qui sese Patriæ toties armatus in hostem
Obtulit, & forti domuit discrimina passu.
Haud quidquam debet Lachesi, tentoria præter,
Corporeamq; domum, tantisper cedere castris
Morborum cogente dolo, dum perfida vitam
Carpit, & in spoliis corpus Libitina reposit.
Hoc igitur redimi lachrymis, solviq; tributum
Funebre, permittunt Parcæ. Conferte Dolores
Si quid adest oculis pretij; si pondera vocis
Fletus habet. gemmante natet circumflua rore
Palpebra. Squallentes rapiant sibi serica panni.
Purpureos, tragico mutari Syrmate cinctus,
Exutumq; nigris impendere luctibus ostrum
Digna jubet pietas. Et dum funalibus ardent
Illustres tumuli, crebris fervete querelis
Pectora Sauromatum; Proavæ mollescite Cera
In lachrymas, donec Sacra Mausolæa patentem
Expediunt aditum, grandisq; reconditur *Umbra*,
Vnanimis comploret amor. Nunc Lechia Civem,
Imperium Comitem, Defensoremq; renarret,
Nunc doleat Bellona Ducem, Prosapia Numen.
Et Fundatorem, gemitu Calasantia Pallas
Cælo teste, vocet. mæror nunc militet omnis.

*Dolor publicus per in-
undatum lachrymis
Sreniavam velifica-
tur ad portum immor-
talitatis.*

Et jam funereo gradiens in syrmate, luctum
Indicit Patriæ; lachrymis crescente SRENIAVA
Iam pandit sua vela DOLOR, truditq; phaselum.
Clava regit clavum, prono delabitur AMNE
Marschallis nixus Baculis, & remige Famâ.

Ut tetigit facili surgentia littora clivo,
 In quibus æternum non amissura decorem
 DRVSORVM monumenta patent; consurgit ab
 Augustæq; gemens infert vestigia moli. (alno,
 Cedant hîc veteris, cedant miracula mundi!
 Quid mihi Pyramides jactat Nilotica Memphis,
 Fatorum si lusus erunt? Ephesina superbit
 Quid templis Hecate? si vel scintilla timetur?
 Ne ferat admotos præceps Herostratus ignes.
 Quid Rhodij Soles? si vix fragmenta Colossos
 Metiri valeant? Parijs Tibi fulta columnis
 Mausole busta jacent; terris illisa fatiscunt
 Pegmata, dum Regum turres mors invida pulsat.
 Funestavit hyemis virides Semiramidis hortos,
 Et Iovis ampla Domus splendorē in rudere quærit.
 Hîc LVBOMIRIÆ stant immortalia Gentis
 Limina, prælustresq; aditus, quibus æmula factis
 Invidies, nec tempus edax, nec fata minantur.
 Non hîc Phidiaco stylus irrequietior ictu,
 Non Polycletea sudarunt arte labores,
 Non acies ferri, non vis operosa Myronum;
 Illa sed, æternus cui vitam deputat annus
 Nobilibus Cedris & Lido dignius auro
Mnemosynè perfecit opus. Cernuntur Avitæ
 Signa Domus, solidis instant simulacra Columnis,
 Historiâ pingente Viros, ac gesta Virorum.
 Virtutes utriusq; Togæ; deducta sub Hæmum
 Prælia, cælatus paries & saxa loquuntur.
 Indè procul summâ veniunt ab origine *Drusi*,
 Imperiumq; trahunt, & cognita Nomina Romæ.
 At generis Princeps Lecheis Advena Regnis
 Sarmatico graditur cinctu, præitq; Nepoti
Aurelius Druso, sequitur diviniior ætas,
 Christiadamq; fide rutilans. *Antonius* Agmen
 Ducit, & hæredem septem per sæcula Stirpem;
 Armata stat quisque manu, metuendus in ipso
 Marmore bellator. Verum quid sidera Cæli
 Dinumerem? propiora volunt magis Astra videri.
 Quantus adest oculis, Proavo maturus honore
 Et Voynicensis, trabæ fulgore *Sebastus*

Mnemosynè, seu im-
mortalitatis memoria,
perennatura monumē-
ta Lubomirij erigit.

Aurelius Drusus
primus in Lechiā -
venit.

Antonius Drusus
fidem Christi suscipit,
Anno 1002. septingen-
tis abhinc annis.

Sebastianus Lubo-
mirski Castellanus
Voynicens. Proavus.

Joachimus Lubo-
mirski Frater Stani-
slai, Avi defuncti Prin-
cipis, ad Smolenscum
cum Sigismundo III.

Stanislaus Lubo-
mirski Patat. Crac.
Avus defuncti Castel-
lani.

Ad Chocimū Osman-
num domat.

Eidem suprema Exer-
citiū clava defertur,
præfente in Castris
Vladislao Principe.

Pientissimus Dux,
supra 10 Ecclesias in
Polonia erigit.

Fundator Collegij Po-
dolinensis Scholarum
Piarum.

Georgius Lubo-
mirski Dux, & Ma-
jor Regni.

Illustris! Patrio surgit *Joachimus* in ausu,
Et gladio monstrat victas occumbere gentes.
Sub pedibus, concussa labant Castella *Smolensci*,
Præcipitemq; fugam confusus gurgite Volga
Urget, & Arctoi Proceres, vestigia lambunt.

Fraterno vicina gradu fastigia molis

Stanislæ premis, *Cracio* præfulgidus Ostro.
Terribilem adversis, debellantemq; superbos,
Illustres animant tabulæ, vivusque character.
Ille minax quondam terror, vagus ille Cometes
Eoa de parte jubam dimensus ad Arcton,
Solvitur in fumum, populosis millio castris
Deficit, abjecto fastu, tractaque revertit,
Erecta, qui nuper Arabs cervice tumebat.
Immensas vidit campis horrescere cædes
Eludi assultus virtute, fatiscere vires.

Audaces langvere minas, nil arma prodesse,
Iam veniam cum pace petit, jam lunat adactas
In cultum cydares rediens Osmannus; & ingens
Signa Tibi deflectit hos: Tibi Patria Clavam,
Imperiumque dedit litnos & tela regendi,
Ipsaque se Princeps submitit gloria Clavæ.
Nempè probum fortuna sequi, victoria rectum
Sævīt certa Ducē. quid enim non vinceret hostes?
Cujus larga manus Divos & sidera vicit.
Promovit Comes arma DEVS; quem munere largo
Sancta Palatini roties pertraxit ab astris.
In terram pietas, magno radiantia sumptu
Cælitibus, dum Tempa parat, multiplicat Aras.
Non latet; in valles quamvis deducta profundas,
Inter Carpathij regitur montana Scepusij;
Turribus, & summis Tua munificentia tectis
Assurgit, laudesque Tibi devota renarrat.

Parte aliā, tumidi Domino, phalerisque, Veredi
Terga premens, vibrat pretiosa *Georgius* arma.
Edomitas victor soleis ultricibus hydras
Elidit Sonipes. Vecors Erymanthidos hæret
Bellua, dejectique tacent sub calce Leones.
Gestorum feriem cum majestate Senatūs,
Æternaturus color, ac idea perennis,

Exequitur, prodiq; oculis. Hinc *Flumina* pugnant

In pelagū; trepidat SRENIAM pallida Balthis.

Hinc exarmatis flet Taurica vincta pharetris,

Indè rebellantes fractâ carragine Servi

Mandunt fædisfrago victores ore lupatos.

Pannonia tumidi decrescunt vertice colles,

Quæque lacesivit præceps, his quærit in armis

Et vitam, & tutum redeundi *Dalmata* callem.

Mnemosynes manus urget opus; luctūq; recentē

In planum deducit ebur, jam Scipio dextrâ

Heraclij regitur, dat eum fortuna, *Josepho*.

Francisci jam vivit honos. Heroâ renidet

Frons in *Alexandro*, & Virtus in imagine spirat.

Hæc ubi conspexit pulchro fulgore parari

Signa DOLOR: Proponis (ait) solatia fati

Mnemosynè Regina meis, impendia tanto

Æqua moves operi, fabricans Heroibus ævum.

At me iusta gravant, heu! lamentarer iniqua

Lex fati nisi nota foret, Superumque voluntas.

Non moror elogium, Cedris inscribere, vel auro

Drusus, vita senex Pylios dum vicerit annos.

Nunc verò tenui spatio, cursuq; dierum

Tot Decorum numerosa pati dispendia; quanti

Materies lucius! non pridem palpebra flevit

Occasus & busta Trium; jam sæva recenti

Vulnere grassatur Lachesis. Nunc attere cælum,

Nunc adamantâ move, nunc immortalibus aurum

Sculpe notis, quantus Domino surrexit honore,

Armorum imperio, vivum post funera nobis

Redde Ducem. Comis vultu, nunc ille togatas

Consilijs arcēs animet; nunc vindicæ ferro

Dejectos in humum, soleâ calcante veredi

Thracas tundat Eques, Vivos intercipe vultus,

Efforma similes, & dum pretiosa labore

Marmora sollicitas; nostrū, Tibi pandere normam

Munus erit. Iam castra vide funesta dolentū.

En veniunt! en triste gemunt! da vocibus aures.

*Vandalicis, Scythicis,
Cosaticis, Hungaricis
trophæis celeberrimus.*

*Trium Lubomirski-
orum fata intra bre-
ve tempus, Francisci,
Cap. Olst. Heraclij,
& Josephi Mars-
schalcorum.*

*Dolor publicus, Mne-
mosynen edocet de
morte Hieronymi
Lubomirski, simulq;
monet, ut eundem im-
mortalitati exprimat.*

*Efformatum Principem
aternitati Mnemosyne
ut seriem gestorum e-
jus discat; Dolor, in-
ducit loquentem Pa-
triam, Prosapiam,
Austriam, &c.*

POLO.

POLONIA

Patrem Patriæ & Primum Senatorem extinctum plorat.

Prima coronatos luctu spargente capillos
Lechia funus adit, planctusq; orditur acer.
Indulgete meis, crudeles verberare Parcæ (bos:
Indulgete malis! Belli concussa tumultu,
Post diras populi cædes, Vrbesque sepultas
Ruderibus, profugis inter deserta colonis;
Vix animam, pavidoque trahens suspiria corde,
Immорий bustis hodie, cum funere *Patris*
*Tutoris*que mei! dubio discordia motu
Seditioque biceps, proprijs mea viscera telis
Dilacerat, gladiosque parant in colla furores,
Æmula divisos rapiunt ubi prælia Cives.
Nunc iterum vis aucta redit, nec docta medelam
Ferre, recrudescunt geminatis vulnera morbis.
Cum DVCIS aspecto funus, mihi pectoris excors
Vita filet, gelidoq; stupent cum sanguine venæ.
Nos eadem jactura premit. Communis utrique
Vmbra diem, cum Sole rapit. prosternor eodem
In tumulum casu. Veluti si, pondere cæli
Porritor elisis rueret cervicibus Atlas,
Deciduus lapsum pariter sentiret Olympus.
Vistula! qui pleno lachrymosus gurgite turges!
Dic mihi, dic populis, quæ detrimenta revolve,
Extinctū quem ploro Ducem? Vos conscia Martis
Arma, Senatorum vos Laticlavia testor,
Enarrate Virum, seriemque evolvite laudis.
Mæror enim mihi verba negat, tamē arida cogam
Præruptis etiam singultibus ora fateri.
Huic ego Natales felici fidere Cunas
Et Patriam Lucina dedi; mihi reddidit illam,
Hostibus ereptam Latij virtute Camilli,
Consilioq; togæ, (Superūm velut axibus Orbem)
Erectam solide; tutam simul adstite ferro,
Et Libertatis pretiosam, reddidit, auro.

Primo-

Primores Generis, Majestatisque Parentes
 Romano de colle vehit, cognata Quirinis
 SRZENIAVITARVM sociavit Nomina *Drusis*!
 Majorum titulos, celebrataq; gesta per orbem,
 Exhibuit virtute pari; nec imagine tantum,
 (Vt pleriq; solent) sed Avos hæredibus ausis,
 Patritiosq; manu propria signavit honores,
 Dignus gente Nepos; primo qui flore juventæ
 Ceu suavem peragrans exercitus aliger Hyblam
 Jam violis, jam labra thymo, fragrantia pascit;
 Ille per historicæ pariter campestris chartæ
 Exspatiatus visu, relegens documenta futuri,
 Pacis & armorum didicit feliciter artes.
 Sive redaccensam prudentia lumine mentem
 Tergeret innubi, rectoq; prodesse doceret
 Consilio, vocis seu libera jura Polonæ
 Flecteret, & dominos regeret moderamine sensus.
 Tarpeja qualis Fabius Dictator in arce
 Prætextatus adhuc potuit conferre Senator,
 Et senio jam digna loqui; regina stupebat
 Libertas, reducem Pyrrhi mirata Cynæam.
 Hunc ubi suadentem Lechici audivere Quirites,
 Creditus Arpinas rationes promere belli,
 Aut pacis planare viam, cohibere rebelles
 In Patria motus, conjuratisq; timeri. (nobis?
 Quis tibi tunc Othomanne metus? quæ gaudia
 Cum *Lubomiræ* commissus Scipio dextræ
 Bella minaretur Scythiæ, contraq; Gelonum
 Arma triumphali nutu decerneret Hæmum:
 Aut eluxatis crebro luctamine belli
 Viribus, Arctoo respiria quæreret orbi,
 Expulsamq; procul terris & in astra receptam
 Suavibus illicijs revocaret ab æthere pacem.
 Allobrogum facunde stupor! Regisque diserte
 Liligeri Torquate files! montana Sabaudæ
 Obvia Pyrenes cui surrexere loquenti;
 Tardus Arar sistebat aquas, & Sequana blandis
 Fluctibus adlambens geminæ dedit oscula ripæ.
 Ereptura decus Lechiæ devinxit honore
 Promptaq; congegit pretiosos Gallia torques.

*Vetustissima Lubo-
 mirsciorum Prosapia
 à Drusis Romanis.*

*Prima ætas Principis,
 pacis & belli artes
 discit.*

*Ad publicos Regni
 Conventus Nuntius à
 Palatinatu Cracov.
 frequentissime desti-
 natur.*

*In publicis Regni Co-
 mitijs Mareschalcum
 agit.*

*Regis & Reipub. Le-
 gatus ad Ducissam Sa-
 baudia, & ad Gallia-
 rum Regem, à quo
 aureo torque donatur.*

*Armis juvat Patriam,
secutus Joannem III.
Electum Regem; ab
eodem in Comitibus Co-
ronationis Vexillifer
Regni declaratur.*

*Cosacos domat ad Win-
nicam.*

*Excisa Civitate re-
belli, Cosaci se muni-
tissimo Templo inclu-
dunt.*

*Ibidem, recusantes de-
ditionem, expugnantur.*

Sic Tua me consulta juvant, sed & arma tuentur,
Victor ubi domito Chocimenses Bistone laurus
Vicinum Sceptri radijs Titana secutus,
Terrifico mucrone metis, solitusq; frequenter
Castrenses tractare Aquilas, asvescis Honori,
Rege coronato, Lechici VEXILLIFER orbis.

Cum famuli furerent motus, cum triste pararet
Exitium rurale chaos, cœu vipera matri,
Auderetq; suas gladijs opponere falces,
Et scelus Aede Sacra clausum, velut arce, tueri,
Impatiens servire genus, victore fatigas
Alcides humero, Lernæas terror in Hydras.
Conscia feralis Tibi quis Winnicia pugnae
Sensus erat? tunc quando (tuo vel nomine teste)
Victa fateretur Domino cogente reatum,
Gens inculta quidem, rudibusq; exercita rastris,
Ambitiosa tamen, conatibus ausa superbis,
Sarmaticos inter Proceres ambire Senatum.
Agricolæ quondam Romæ juga nempè sequentem,
Non infæcundis operoso Consule campis,
Rustica Rosiaci voluit Bellona Coloni
Fortunam captare parem: pro vomere tela
Sumpsit, & iratas vibravit in arma secures
Bobus adempta, velut cervici frena daturus
Quinctius abjecto fieret Dictator aratro.
Agnovit, tardèque furor se in sanguine vidit
Fæditragis penitus cæsa cum stirpibus urbe.
Dum flueret torrente cruor; tunc proxima morti
Barbaries, Divina petit, tunc paller ad Aras
Territa, munitiq; subit fastigia Templi.
Objicite ingentes fossas, tumuloq; parate
Exhausta tellure, locum, confidite muris;
Altaq; Caucasæos in valla reducite montes,
Securum sceleri nunquam præstabit asylum.
Det spatium fortuna licet, graviora moretur
Tela manu, clypeoq; brevi defendat inermes,
Invenient sibi fata viam, sibi vulnera pectus,
Invenient nocui pœnas, & pœna nocentes.
Expugnati aditus, exuta rebellio castris,
Perfidiam vel cæde luit, vel vindice flamma,

Aut

Aut juga servili tulit indignantia collo.
Incolumes victrix oleas clementia misit.
Sprevit inhumanæ præceps vecordia gentis;
Ergo taxus ei, victori laurea cessit.

Scilicet adversans Divis, debebat ad Aras
Impietas totum profundere cæsa cruorem.
Fregimus Æmathio stipatum milite Martem,
Nulla cui suasit justos injuria motus;
Sola propinandi sitis inflammata cruoris
Regnorumq; fames furias excivit ab orco,
Castraq; Moldavis jussit disponere campis.

Arva propinqua Tyræ, nostro possessa labori
Aggreditur, vanoq; spei jam devorat ore,
Iam gladio signat metas, & limite profert
Longius imperium. Quippè rabiosa Tyrannis
Quâ semel exarsit, nunquam compescit orexim,
Quidquid habet, minus esse putat, majora palato
Arrident avidis satiari nescia lucris.

Potus hiat, tantumq; cupit, quantû hausit avarus.

Ivit in adversas *Sobiescia* Gorgones *Ægis*
Defensura meum validis obtentibus orbem.

Ducit in arma Viros, quos illice gloria nutu
Et Patriæ reparanda salus monet ire sequaces.

O quantum adsultavit aquis *Lubomirius Amnis*!

Cum sese aggeribus præceps infunderet illis,
Nuper ubi dextris avibus, ridentibus Austris
Fortunam Patriæ victrici vexerat Argo.

Vtq; Nepos campum, laurû conspexit avitâ
Florentem repeti, proavisq; virescere palmis;
Pectore magnanimo fortes ardescit in iras.

Totus Avum, Patremq; refert, vultuque manuque;
Talibus incendens animum: si profuit unquam
Majorum comitante sequi vestigia passu;

Nunc mihi profuerit, nunc arva loquentia pugnâs
Et proavis manibus plantatas cernere lauros.

Hâc ibat Simois, hâc barbarus ibat Araxes

Advena Strimonijs stetit hic exercitus oris.

Hâc domitor processit Avus, ductoreq; passu

Lechica signa movens, aciem calcavit Eoam.

*Ad Chocimum Turca
metatur castra, Vkrainam
nobis eripere
volens.*

*In eodem campo, quem
Avus Stanislaus Lu-
bomirski victorij
signavit, arma contra
Turcam vibrat.*

Arma

Arma sequamur Avi; *Druſorum* præduce famâ;
Druſorum virtute cadat, qui concidit hoſtis.
 En clypeata ſeges, rigidæq; haſtilis ariſtæ
 Hoc ferrum expectant hoc in obvia colla ruamus,
 Deſtinat hoſtiles meſſi fortuna maniplos.
 Dixit: & implexas cydares rimatus ahenò,
 Dux alijs, ſibi miles erat. Non ille ciebat (ces
 Voce prius, quàm Signa gradu; ſimul ore, ſequa-
 Et gladio præceſſit equos: armabat inermes
 Vindicijs animos, ultoreq; Numinis auſu,
 Odrisiz terror Lunæ, tot funera ſtravit
 Pugnaci dejecta manu; quot contigit enſe.

*In Austria, pro Impe-
 rio & Chriſtianitate
 praliatur.*

*Declaratus Mareſchal-
 cus Curiz Regni.*

Promovit Bellona pedem, transcendimus Alpès
 Norica terra tuas. fractis cervicibus hæſit
 Boſphorus. Imperij Sacram defendimus Arcem.
 Hinc meritis comes ibat Honor, què Curia Regni,
 In dubijs Columen rebus perſenſit, eundem
 Publica Regnantis fulturum pondera Sceptri
 Scipio porrectus manui depoſcit Atlantem.
 Non ego jaſtanti Cives & bella Quirino
 Invida *Cornelios* rapiam, quibus Africa famam
 Dedicat, & titulos manceps Aſiaticus auget;
 In LVBOMIRIIS radio meliore coruſcant
Scipiada, pacis Soles, & Fulmina belli.
 Meta Mareſchalczæ, nec erant extrema, Columnæ
 Acceſſère novi geminato murice faſces.
 In varijs experta fidem, pretioſaque Magni
 Advertens merita HIERONYMI, non vile dicavi
 Tutelæ pretium. Illi *Theſauraria* Claves
 Crediderat Fortuna meas, atq; aurea Regni
 Libertas commiſit opes. defenderet aurum,
 Aurea Pannoniæ Getico qui poma Draconi,
 Raptaq; Germani vindex æraria Sceptri
 Eripuit; Patriæ gazas expenderet ille,
 Qui proprij toties diſpendia Sanguinis egit
 Propugnans commune bonū. Tunc præter Iberos,
 Viſtuleis, *Srzeniava* Tagum ſuperaddidit undis,
 Noſtraq; felici ditavit littora cenſu.
 Tunc madidas contempſit opes; divesq; rubenti
 Erubuit Pactolus aquâ; tunc Lidia victis

*Tandem Theſaurarius
 Regni.*

*Patria Srzeniavam
 appetiat, fluvijsq; au-
 riſeris præfert.*

Flucti-

Fluctibus indignans, aurum volventia, torvo
Illa Midæ veteris, despexit balnea, visu.

Ipse manu, Sceptrum tollens Regale, tridentem
Spumofumq; caput, terras prospexit & undas
Nereus inclamans: ô gens affinis aquarum
Neptuniq; domus, varijs circumflua terris,
Non inopem te credo quidem, de munere fortis.

*Neptunus primatum
Srzeniava cedit.*

Flumineas Thetis miratur Iberica gazas,
Et pretium reperire domi, nec habere fodinas.

India Gange tumet, Nymphæ Gangetica gemmis.
Ambit Erythreas præstantior unio conchas.

Pallet aquosa genis, at sæpè Ligustica Doris
Addit inornatæ rubicunda corallia formæ,

Littoreis electra legit projecta saburris,
Inter hyperboreos, Balthis celebrata Triones.

Purpureis Aurora fretis, Pontusq; superbit
Murice, Sidonijs tincturo vellera guttis.

Vincimur ô gentes aqueæ! fluviatile vulgus
Vincimur! Eridanum superavit, & Istula Gangem.

Iam mea Sceptra tenet *Fluvius regnator aquarum*.
Iam vilescit inops Hermus, *Srzeniava* triumphat,

Thesaurum Patriæ pleno dum gurgite defert.
Finit, & cedit primatum Nereus *Amni*.

Hic mihi præ reliquis fuerat, cui credita fortis
Cymba meæ, tuto direxit carbasa flatu.

Ingruerant Pelago validis adversa procellis,
Prædariq; meam non unus Colchida Iason

Per liquidum properabat iter. Deterrita fatis
Hieronymum supplex adij; Clavamq; Ducalem,

Et sparsas acies, (juvat heu! mea damna fateri)
Serò nimis, post bella dedi; tunc danda fuissent

Iura Duci, cum parva minus discordia posset.
Ille nec hîc deerat, licet illi Signa decissent

Concordi non juncta fide. Quid livor inique
Tela paras? expende vices, & tempora rerum!

Laudabis, quæ facta notas. Mars exterus arma
Ducit ubi victore gradu, profugosq; secutus

Regnorum sese medijs inviscerat oris,
Tunc rudibus dare tela viris, augere cohortes,

Exercere manum, quid vanos juverit ausus?

*Patria Clavam offert
in summo Regni tumultu
& diffidys.*

Tunc, ubi divisis affectibus imperat ira,
 Quiq; petunt hostem, sibi mutua praelia dicunt,
 Hic pugnat, latet ille mucro; dum castra tumultus
 Et Mavors Civilis habet; nec scitur, an hospes
 Attonitæ miles domui succedat? an hostis?
 Et tamen hos fluctus inter, mediasq; charybdes,
 Remige servato, ventis pelagoq; timeri,
 Naucleri prudentis opus. Narrabitur orbi
 Vis matura Ducis, servataq; Civibus ætas,
 Quæ laurus & bella dabit non dispare voto.

*Lechia Honorem adit,
 à quo Celsissimo Cam-
 pi-Duci, Castellanus
 Cracov. & supremū
 armorum Imperium
 deferitur.*

Virtutem stupui solidam, simul ampla petivi
 Tecta Coronarum, nataleque limen Honoris.
 Hic Fasces conquesta pigros, trabeasque jacentes,
 Admonui pensare moram. Surrexit ab alto
 Frenatosque *Honor* intorquens temone jugales
 Bellica pacifico subiit tentoria currū.
 Ille triumphali metuendus acinace, densas
 Pervolitans acies, nunc protendebat utrinque
 Cornua, nunc aræto ponebat in ordine turmas,
 Et pedites certā statuēbat lege phalanges.
 Eminuit cristatus apex, sculptura refulsit
 Tersior armorum. Vivax cervicē veredus,
 Herousque Ducem signabat in agmine terror.
 Mox lateri succedit Honos, & pulvere belli
 Resperso fabulo, pretiosis Fascibus Ostrum
 Compfit, obarmatæ detergens frontis anhelos
 Murice sudores. Primā, quæ, lucē Senatum
 Purpura, cœu Princeps, ornabat, lumina sidus
 Emeritū complexa Ducem, propè Sceptra locavit
 Regali trabæ, Majestatique propinquum.
 Præmia longævi meruerunt tanta labores,
 Condigno sat digna dedi, majora parabam.
 Summus apex fuerat. potuit tamen ille Coronis
 Crescere, ni Patriam Clavā defendere mallet,
 Quam Sceptris miscere Tonans discordib; orbem.
 Sed quid eheu! refrico, laudato vulnera luctu?
 Quid nondū extinctum geminant fomenta dolorē
 Ad gelidos *Cineres*? Habui Patremque, Ducemque,
 Amissum ploro. Communi vivere sensi
 Quē gavisa bono; Vixit, decedit utrique

*Primū Senatū pur-
 purā decoratū.*

Parta salus. geminæ bustis accedimus umbræ?
Egit ad obsequium Patriæ tot lustra; sed egit.
Iam queror absentem, jam funera sola supersunt.
Spes abiêre meæ. Nec Te felicibus astris
Invideo, dignos veneror mercede labores.
Affulge, quâ partē voles prænobile Sidus,
Et medias habita lūces. nostrumquē sereno
Orbem cerne die. Fama immortale perenni
In succēssuris mihi vivē Nepotibus ævum.

PRINCEPS PROSAPIA
HIERONYMUM AUGUSTINUM
LVBOMIRSCIVM
deplorat.

ADstiterat Lechiæ, velato lugubris ore,
Et consanguineo circumstipata Senatu,
In luctum dejecta tenens LVBOMIRIAS Arma.
Ordine confuso (nam talem funera poscunt)
Assistunt lateri mutato Numina cinctu.
Sidoniæ cecidêre togæ, funesta lacertos
Vmbra tegit, lamenta Viris etiam exprimit angor.
Dant lacrymas, licet ora manu lacrymâtia frenent.
Illa Palatinos madidato lumine cætus
Intendens: Oculisné, (ait) an luctante dolori
Ore querar? deplorandis admota feretris
O Spes! ô nostræ Majestas inclyta Gentis!
Ingens illa mei fuerit fiducia voti,
Non tamen eventu subterfugit irrita vano,
Quâ Tibi supremos optabam provida fasces;
Vt Patruo, Proavoque Nepos gradereris honore
Celsior, antiquisq; dares nova lumina Ceris.
Possedi donante polo, quæcunque poposci,
Teq; paludatos inter subsellia Regum
Præcessisse togâ vidi primatē Quirites,
Purpureum rexisse latus; pariterque Gradivo,
Ac trabeis egisse Ducem. Quæ gaudia nostram
Implevêre Domum! quantos promissimus annos!

*Armorum & Senatorū
Dux, primus Senator in
Statu Seculari.*

Heu rerum non certa fides! breviantur in uno
Sæcula momento. Tragicum fortuna cothurnum
Sumit, ut assurgat, punit solatia luctus.

Huc oculos, huc ora, precor, convertite *Drusi*,
Hic spatium famæ, quam celso vertice crescat,
Cernere, & immensâ metiri, juverit *Umbrâ*.

*In Lubomirsciorum
Domo varij & Magni
honores.*

Augusti nostram, fateor, dignantur Honores
Sæpè manum, fulsit dives *Majoribus* Ostrum,
Vellere præclari Tyrio fulsere Nepotes.

Explicuit Vexilla manus, Regnique Ministris
Tota videbatur dominari Insignibus ætas.
Drusorum Domui venere faventibus alis
Sarmatides Aquilæ; vix non ab origine gentis
Scipio Regnantis felix antea mbulo Sceptri
In nostris crevit manibus; dotale Polona
Depositum fortuna dedit. Nos Clava poposcit
Sæpius; Imperijs hercos rexinus enses.
Sat *Cracius* tulit Illustrissima sidera Murex,
Luce *Palatinas* exornatura Curules.

*Majores præcedit hono-
re, & Avum Palat.
Cracovi. factus Castel-
lanus Cracoviensis.*

At præcessit Avos; nec enim vestigia Patrum
Contentus virtute sequi, majore præivit
Hieronymus, vicitque gradu. Splenderet ut orbi
Magna Domus, Proavi Solem provexit Honoris
Altius, intenditque jubar, primosque vibravit
A Solio radios, titulis & murice Princeps.

*Ad honores, gradu me-
ritorum processit.*

Sarmaticas armavit Aves, campoque Gradivi
Afsvetas, docuit jaculari fulmen in hostem.
Celsa Mareschalcæ tenuit gestamina dextræ;
Libertatis opes censu nutritivum alumno;
Iura dedit gladijs, gladios & funera victis,
Supremum conscendit Ebur, culmenque Senatûs.
In plures partitus honor, collegit in uno
Munera. Sistit ubi multis, hinc promptior illum
Ad summos apices duxit fortuna gradatim.
Hoc fulsit cælum omne Domûs Titane. Sed eheu!
Occidit! haud ullo Sidus revocabile fletu.

*Domus tota luget occa-
sum magni Sideris.*

Ac, velut emensum spatijs illustribus orbem,
Flammivomis prægressus equis, terræque calentes
Largitus radios, tumultum sibi quærit in undis
Cynthius; umbroso luctum testatus amictu

Vesper

Vesper adest; Surgit Phæbè, palletque marito
Tristis in occasu. Dominum tunc luget Orion,
Tunc magis intendunt oculum, funusq; Parentis
Nictantes pavidò prospectant lumine stellæ.
Vos pariter lamenta decent Illustria cæli
Astra mei, cum luce diem, rapit umbra sepulchri.
Solis ad occasum vigiles adstate Planetæ!

Amotis, utinam, caput eluctabile bustis
Erigeres ô PRINCEPS! aspecturus in uno
Funere tot gemitus. Viduos mærore sodali
Affligit thalamos feretrum, myrteta Cupressi,
Extinctasque thori, mutant funalia tædas.
Prole PARENS comitata velut Dictinna minores
Igniculos inter, defuncto Coniuge pallet.

Eja! sed! effusos tantisper Pignora fletus,
Et singultantem compescite pectoris æstum;
Sollicitas aures, tumultoq; affigite mentem,
Patria quid magnis Hæredibus *Umbra* loquatur:

Tangunt, hæc Vestri luctus impendia, Manes;
O Soboles! pietate memor, quem palpebra luget
Exanimem, Cor spiret Eum. Licet ultima venit
Communi mihi lege quies, Tu grata Propago,
Moribus & vitâ fac semper vivere Patrem.
Ingenuis ducat Majorum prodrôma Virtus
Passibus, & pulchros animum succendat in ausus.
Aspiret votis cælum, Superiq; secundo
Indolis eventu, præfagia certa coronent.
Pro Patria, cataphract⁹ Eques, quos educat Hæmus,
Aut Bizantinos Rhodopè monstrosa Dracones,
Invictâ prosterne manu. Mæotidis angues,
Lunatasq; styges, domitor compesce GEORGI;
Præcedat tranquilla diu Fortuna IOANNEM,
Et descendens comitetur *gratia* cæli.

Euphratem, Gangemq; domet populator Eoi
Solis ALEXANDER, (nomen si fata relinquent)
Fascibus & fastis Genitorem vince Philippum.
Hæc Patriæ ingeminant Vixæ, lacrymasq; frequenti
Eliciunt oculo. Nec Te cognata GEORGI
Non lugere finit pietas. Sibi magna IOSEPHI
Decrevisse putant magno solatia damno.

*Parentat lachrymis
Confors thori, Illustris-
sima Castellana Cra-
coviens. cum Prole
mæstissima.*

*Celsissimi Parentis
Manes bene ominan-
tur Filij.*

*Lubomirsciorum
Domus tota luctum in-
duit.*

Intra breve spatium
plures Lubomirij de-
functi.

Dat MICHAEL ad iusta libras; sua pōdera quippē
Luctus habet gravior. Patruo THEODORE parētas!
Vuln9 hic est FRANCISCE Tuū; nā vibrat acerbo
Tela dolor. Crescit IOSEPHI nomine luctus.
Plejades occiduum Solem, Domus atra Parentem
Hectora, Sarmaticum plorant Herōa Lacænæ.
Attonitus mærore stupet, totusque rigescit
In gelidam Nioben, tanto de funere *Sanguis*.
Flere jubet, cogitque, frequens violentia fati.
Sæpē redūx, gravior iactura; nec ulla ferocit
Plaga magis, quā crebra nimis. Vix ille dierum
Arbiter, emensis aliquot gyraverat Astris;
Heu spatio sat longa brevi, dispendia sensi.
Damna velut traherent anni, semperque nefastus
Climaēter, fato non respirante veniret.
Vix Soles abiēre aliqui; tot busta, tot Vmbras
Quærimus & querimur. *Cineri* confusa sepulto
Infortunatis decurrit clepsydra lustris.
Tot vitam rapuēre Viris, quibus ordine tardo
Volvere debuerant adamantina stamina Parcæ,
Heu! nimis adversi riget inclementia fati,
Si ferale jubet solvi vectigal in annos:
Indulgete precor nostris o Sidera votis!
Nestoreos vitæ currus mandate rotari,
Amplaque Sarmaticis impendite sæcula *Drusis*.

AVSTRIA PROPVGNATA
S. R. I. Principem, Defensoremq;
obiisse dolet.

Armorum in strepitu funestæ nuntia famæ
Vulgantesq; tubas, pavidā vix cōbibit aure,
Et didicit *Comitem* extinctum, mandat eburnos
Austria produci currus; Aquilasque bifrontes
Imperij, cogit dominis assvescere frenis.
Prægreditur montes, riguas & flumine valles,
Æthereum decurrit iter. Simul attigit Arcton
Vistuleam; densas acies, pharetraque Lechi

Agmi-

Agmina, circumagens curru, pullata petivit
Limina, & illustres Ceris ardentibus umbras.
Attonitos Procerum vultus, squalentia nigris
Cernit castra togis, pavidæque silentia pompæ
Talibus abrumpit: *Comitum* præsentia, Princeps
Imperij, vindexque meæ tutela Coronæ!
Luctibus associo luctus. Ingrata videbor
Fors cui, si revocent ipsi benefacta dolores,
Impensoq; mihi lachrymas pro sanguine fundam:
Non tamen exactos (ter Celsi, credite *Cives*)
Danubij ripis, & Rheno teste labores
Vocibus, aut linguæ tenui mercede paciscor.
Illibata manent dignarum præmia laudum,
Æternis inarata notis, memoriq; Minervâ.
Publica flere jubet pietas, dumq; arma feretris
Adspicio dejecta vehi, succumbere fati,
Vindicibus nuper gladijs mea fata levantem;
Verba rapit, sævusq; acuit suspiria mæror.
Ergo triumphales, umbris superantibus, ignes
Dux extincte cadis? quo Vindice nuper ad Istrum
Surrexit fortuna mihi, medijsque fatiscens
Ruderibus, stetit integritas immota. Tuamné?
Mirari venio mortem, cui debeo vitam?
O! si quæ superest tacitis præsentia bustis
Notities Letho? tranquilli cernite Manes.
Imperium quis luctus obit, mæstisque vagatur
Vrbibus; omne forum populosâ murmurat unda
Defunctum narrante Ducem. Sacra Divum
Cælestesque aditus, non sventa silentia terrent.
Facta metu quodam gelidantur saxa Viennæ.
Percussis turrita tremunt fastigia conis,
Et spectant pavidos arrecto vertice campos,
Raucaque præfagis lugent tinnitibus æra.
Iam *Lunas* rediisse putant, Scythiæq; pharetras,
Iam circumfusus replere phalangibus arva,
Et Flaviam validis præcingere sæpibus Urbem.
Confusus trepidat fugitivis fluctibus Ister,
Barbarus instaret Phario quasi navita conto.
Sulphureo torrente ruens urgere procella

*Imperium fato sui Prin-
cipis indolet.*

*Imaginatur sibi redire
obsidionē, Turcarum Vi-
enna memor.*

Fulmen,

Fulmen, & ærisonæ fauces ructare videntur.
 Ceu rueret, flammæ, fœcundaq; machina stragis.
 Effossis procul arma vijs, terræque meandris,
 Manibus inferri tacito creduntur ab hoste,
 Vulneris & lethi veluti contemptor in alta
 Surgeret Odrysius pede propugnacula miles,
 Retrususq; novo fureret vehementior ausu,
 Captaret manibus turres, vexillaq; muris
 Figeret, audaci per strata cadavera nisu.
 Belsarabū, Dolopumq; metus vel imagine terret.

*Principem defunctum
 vivere effingit sibi
 Vienna, qualem olim
 pro se pugnantem vi-
 dit.*

Hieronymi vocat arma pavens, *Clypeū*que Vienna.
 Et cui prostratis nuper plaudebat Achivis,
 Hunc licet exanimem, rursum sibi vivere censet.

Iam summo spectare putat de colle volantem,
 Decertaturas Geticis, animare phalanges,
 Iam terrore sui, vel nudi fulgure ferri
 Sectantem Scythiæ genios, per hiulca cadentum
 Corpora, barbarico gladium demergere tabo.
 Auroræ jam signa fugat, respergit herili
 Iam sanie Cydares, lunatos calcatur acervos,
 Iam Victor cum laude redit, respirat ab æstu,
 Imperio vires, animamq; redintegrat Vrbi.
 Talis adest oculis. Sed cheu deludimur Vmbra!
 Qui fuerat, jam totus abest. Iacet ille Tibisci
 (Pannoniæ montana tremunt) defensor, & Istri!

*Ultra Moravam flui-
 vium 8. Turcarum,
 Et 12. Scytharū mil-
 lia, iunctis cum Lotha-
 ringo copijs fundit Et
 fugat.*

Ille Comes, Lotharinge jacet, cui fœdere pulchro
 Arma triumphatum sociasti nuper in hostem.
 Palliet adhuc Moravæ Thetis, trepidatq; referre,
 Sanguine quam largo rubuit, dum provida lucri
 Prædarumq; rapax, fines populata Quadorum
 Cædibus & ferro; Vestro, manus ardua Thracum
 Porrigeret supplex herbam vitamque Gradivo.

*Grassantes Turcarum
 excursiones cœrceat.*

Ille rubris Arabum Coluber deductus arenis,
 Iam prope lethali carpebat viscera morsu:
 Suppetias mittebat amor, sed clausa viarum
 Limina discrimen tenuit, nec castra subibat
 Miles adhuc, & jam solitus pugnare viator
 Threijcijs præventus equis: restringere flammæ
 In summis volui tectis; sed proximus ignem
 Vcalegon sensit, pagos populante favilla.

Extin-

Extinxit fomenta mali, pepulitq; venenum
Vulnere, nec totum fivit pervadere corpus
Obvia Strimonijs Virtus LVBOMIRIA signis.
Quòd vagus in Mænum non exundavit Araxes,
Ferreæ Bistonix quòd *Rhenus* cornua Lunæ
Mutatis non vidit aquis, nec territus undâ
Æthyopes Arabasque nigros expalluit Albis;
SRZENIAVÆ referat: qui non impunè vagantem
Theutonicis Asiam domitor divertit ab agris.
Ne *Nicrum* potaret Arabs, aut accola *Nili*
Iret ad usque *Salam*, ne portentosa Propontis
Castraque terrerent profugum pellita *Visurgim*.

*Ne in ulteriorem Ger-
maniam Turca pro-
curreret, armis ob-
stitit.*

Ille viam montes & per deserta, IOANNI
Fortibus auspicijs, victoreq; Marte parabat,
Mensus iter, quo tuta brevem victoria passum
Cum Lechicis ferret Signis; docuitq; feroces
Bistonis assultus, in primo limine frangi.
Hæc revoco, funesta, gemens, bustisq; parento
Austria mæsta Tuis. Nec Tecum fama sepulchro
Conditur; assurget multis innixa trophæis.
Te, populi servata salus, erepta furori
Præda Bisurmanno, memori testabitur ævo.
Te propugnata certabunt scribere pennæ,
Formabitque manus victricibus æra figuris,
Et grave Praxitelis describet prælia celte.
Gaudebit narrare senex laudata nepoti
Bella parens, nostras egit quæ Drusus ad Alpes.
Auster & Imperium scribet Diplomata *fame*
Principis., æternis inserto Nomine fastis.

*à Joanne III. ad Vi-
ennensem expeditionem
præmissus, gloriôsè &
triumphaliter prævit.*

MILITIA POLONA SUPREMUM EXERCITUŭ DUCEM *Amissum queritur.*

Bella cruentatis postquam volitantia campis
Ereptum sensere Ducem; Clavasq; referri
In spoliū Lachesi demirans vidit *Enyo*;
Excedit pugna, Lechicis accincta catervis,

F

Fune-

Funereos visura rogos, Heroaq; dignis
Contendit citius deploratura querelis.
Pectus ei thorace riget. formidine vultus,
Tristitia geminante minas & nubila frontis.
Ut licuit Proceres ac lamentabile bustum
Attonitis mirari oculis; ter cuspide terram
Verberat hastata, tollitque frequentius armos
Triste gemens, iterum fixis obtutibus hæret.
Et filet, & tacito confusa remurmurat ore.
Perrupit vix frena dolor, linguamq; resolvit,
Lenior irarum, media de casside vocem
Extulit: armatos equidem mea lachryma vultus
Dedecet; imbelles hæc ornet gemma Dianas.
Flere tamen Monumenta monent, tardisq; moveri
In lachrymas oculis, extorquent funera planctû;
Extorquent lamenta mihi. Ducis Vrna meretur
Præfica, ut *Alcida* Lechico, Bellona parentem.

*In arte bellica tempe-
rie quâdam insigni,
Ducib; antiquis præstari.*

Virtutis meminisse juvat, quam iudice nutu
Ardua bellorum prudens momenta librabat
Arbiter, & norat sine taxo, quærere laurum.
Per cædes, cumulosq; Virum, Samnitibus instat
Attilius, verum Romani sanguinis haustu.
Prodigus arguitur Consul, dum funera victus
Parcius enumerat, sentit dispendia victor.
Annibalem Carthago vetus jactaverat orbi
Alpibus infractum, formidatumq; Latinis,
Felicem toties fusâ cum Consule Româ.
At serò didicit, quantum docet hostica tellus
Cautius arma geri, patrijs egressa stativis.
Marcellus pugnare ferox; at sæpè laborat,
Suppetiasq; petit, celeri præfervidus æstu.
Præcipitem tardo Pænum certamine frangi
Ostendit Fabius, sed ubi cunctatur & hæret;
Fortius assurgit, castrisq; repullulat Afer,
Et trepidas audent portas pulsare Quirini.
Corneliæ virtutis apex, & gloria gentis,
Scipiadæ, bellis Asiam Lybiemque fatigant;
Ast odium meruere domi, nec Principe Cives
Affectu vicere togas; alterque sepulchro
Quærit humum, Domitor terrarû, victor & exul!

Hoc

Hoc Duce temperiem Virtus Fortunaq; junxit.
 Externo quam tela solo prudenter adegit,
 Pannoniæ montes, & testis Dalmata dicet.
 Quam celeri sumpsit, finivit & alite pugnâs,
 Acta Zoravnenſi mirantur prælia Campo.
 Cum levibus pharetris, loricatasq; trilici
 Non graviter tunica ducens ad valla cohortes,
 Tempeſtivus adest. Orituro Sole, feroces
 Auroræ populos, & Martem fundit Eoum.
 Promptum ſubſidio vidit *Cameneſia* rupes
 Amula tunc Lechis, ubi portis ultor in ipſis
 Excudit Odryſiis prædam cum fœnore dextris:
 Dempſtaq; captivis, imponit vincula Thraci.
 Edocuit prudente gradu *ſolertia* tolli,
 Præcipites nec inire vias. Iam plena Gelonis
 Sarmatiæ Princeps infuderat agmina caſtris;
 Stare *Lubomirium* voluit, profugasq; morari
 Beſſarabum Lunas; Nec ſegniter ille retardat
 Biſtona. Ferratas acies, murumque fugaci
 Objeit, ac iterum mortes abſumere cogit.
 Tunc laurū mora pulchra dedit, tunc profuit hoſtē
 Expectaſſe foris. Fabium tunc Lechia vidit.
 Denique ſervatos Cives tot bella loquentur,
 Quæ non armorum rabies, non impetus iræ,
 Sed prompti matura DVCIS prudentia geſſit.
 Ductoris documenta dabat, cum promeret artem,
 Bellandique modos; crebro nunc eminus igne
 Fata redordiri, nunc ſigna occurrere ſignis
 Cominus, & nudis inter ſtridentia telis
 Agmina, quâ luctatur adhuc globus ille virorum
 Ferro aperire viam, monitis accendere ſegnes.
 Hic fractas reparare acies, hic cogere ſparſas,
 Aut nimis anguſtas gemino diducere cornu;
 Nunc interjectis campum diſtinguere turmis,
 Obvia lunato nunc ordine Signa morari,
 Nunc inſtare vago properis mucronibus hoſti,
 Nunc revocare ſuos, & caſtra reducere vallis.
 Qualiter in ſummum validis efferre lacertis,
 Directamq; ſimul collectis viribus haſtam
 Mergere in adverſo turmati pectore Thracis.

*Extra Patriam bello
 prudenter egit.*

*Celeritas armorum,
 dum ad Zoravno Tur-
 cas, oppugnantes Ca-
 ſtra noſtra, cum levi-
 bus Vexillis, ſummo
 manè aggreditur, &
 fugat.*

*Audaciâ triumphali, ad
 portas penè Cameneſi,
 caſis Turcis, captivos
 eliberat.*

*Prudenti ſolertiâ, &
 maturâ dexteritate ad
 Chocimum fugientes &
 caſtris Turcas, oppoſi-
 tis cohortibus, retrudit,
 & neci offeri.*

*Prudens Cunctatio &
 Amor Civium.*

*Artes, & præcepta
 fortia belli, verbo,
 exemploq; docet.*

Quâ rigidum sinuare manu, quàm fortiter arcum,
Et cita sericeis impellere spicula nervis,
Scrutatura ferum lethali cuspide pectus,
Aut fixura caput redeunti desuper ictu.
Qualiter in jugulum fricto descendere cæsim
Ense, vel illisum, gladijs elidere ferrum,
Vt clypeatè latus, permittere frena veredo,
Et permissa arcere, dolos vitare latentes,
Dura pati, meliora sequi, perquirere causas,
Consilio niti, docuit LVBOMIRIA Virtus.
Hunc inmemoro, doleoq; *Ducem*. Fata ipsa movere,
Nigras factis, & maiestate laborum
Pace frui, dignique forent requiescere Manes.

*Triumphatè Duci fe-
returum instaurat Bel-
lona.*

Æterni Cineres, vestro fragantia busto
Non mihi Panchæi liquidabunt balsama rami,
Suavia non quæram Nabathæis cynamoma campis,
Non spargam violas, hyacinthina non dabo ferta:
Nec roseas populabor opes, neq; lilia carpam,
Vt virides teneris ponam de floribus aras.
Hæc *Parides* floreta tegant, hæc Roma togatis
Impendat feretris; at nunc armatus Achilles
Conditur, Alcidaæ forti monumenta parantur.
Non funestet ebur taciturno murmure Læsus,
Exhaustâ tenuis non ploret Nænia voce,
Bellaces litui, jurataque classica pugnæ
Funestum Pæana sonent. Non Miles, inermes,
Depositis circum signis, præcinge Sepulchrum.
Altè mobilibus plumatam cassida cristis,
Squammatoque graves humeris thoracæ ahenæ
Tollite, & aggestis tumulum componite scutis.
Assistant vigiles fixâ tellure sarissæ.
Baltheus adjectos pharetris devinciat enses,
Exuviæ Tygridum, maculosaq; vellera Pardi
Telorum insternant fasces, undantia flatu
Signa, vel auratis dives coma pendeat hastis.
Non hîc funereæ frondoso vertice taxi,
Sed palmæ virides, sed bustum laurus inumbret;
In medijs ô! castra *Ducem* sepelite trophæis.
In clypeis feretrum, tumbam deposcit in armis,
Prima cui rigidæ dederant cunabula palmæ,

*Arma, & exercitum
parentare jubet.*

Tota

Totaque in armatis discessit mensibus ætas.
Convenient Equites turmæ, cervicibus aurum
Excutiat sonipes; olim rectore superbus
Principe, funereis nunc indignetur habenis,
Et Dominum, terræ impatiens, exambiat Æthon:
Adstet, deciduis Majestas bellica Signis,
Et dignata Sago misceri *Purpura* ducat
Conferta Proceres acie, cataphracta parentent
Agmina, surgentes ferrato vertice contos
Frangat eques; leviorque breves lorica sarissas.
Evinces fatale chaos, fortissime DVCTOR,
Posthuma laurigerum spirabit fama per ævum.
Nec Tu Letheis oblivia nata procellis
Invidiæ nec tela time. Defenditur ense
Nomen, & in medijs vivit Tua gloria Castris.

FVNDATORI

PROVINCIA POLONA SCHOLARUM PIARUM
parentat lachrymis.

FVnebribus tandem venit sociare querelis
Præfica *Religio* meritos *Calasantia* luctus.
Tota metu pallet; toto singultat anhela
Pectore, nec tam verba; gravi quam nata dolore
Manantes inter lachrymas, suspiria fundit:
Nunc agedū! nunc mæror ades! populare feroci
Me totam imperio! diffringe repagula cordis,
Angusta fauces, pupillas obrue fletu,
Perque genas riguis decurre per ora fluentis.
Nunc innecte manū, nunc tende ad sidera palmas;
Dum mihi crudeles rapiunt folatia Parcæ;
Vitaque demoritur, cujus de munere vixi.
O Decus! ô rerum Column prægrande mearū,
Spes & Præsidium! Sic Te citus eripit æther?
Nec patitur vivente frui. Luctatur in astra
Provida mens inopis turbæ, semperq; clientū
Prospiciens pupilla bonis, heu morte fatiscit!
Nunc quoq; munificæ vellent (quid fata negatis?)
Donâ manus largos miseris profundere census,
Nunc quoque, eheu lacrymæ! Sed forsan frena modesti

*Munificentissimus
Ædium Sacrarū Be-
nefactor, fundatas Res-
sovia Scholas Pias,
Paterno affectui fovet.*

*Cordi suo tumultum
in Ressoviensi Schola-
rum Piarum Templo
destinat.*

Rumpimus affectus, æther ignosce dolori!
Hic Superum quoque causa labat. Deflebitis Aræ,
Altaq; Cælituum visis penetralia damnis.
Ille! Sacras Divum, qui tot regalibus ædes
Illustravit opum radijs; vel turribus altas
Numinis in cultum jussit consurgere moles,
Qui Fidei *Pia Castra* dedit, qui Signa *MARIÆ*
In *Calasantino* Mæcenæ Ordine fovit.
Ille jacet! jacet illa Salus, Tutelaque Nostri!
Omnes mæror habet, deplorat Patria Patrem,
Magna Domus magnū Columnen; Respublica Civē;
Tutorem Australes Defensoremque Coronæ;
Et Patrem, & Columnen, Protectoremque, Ducemque,
Spem, Decus, Auxilium fleo: lamentabor in Uno
Omnia, quæ summis potui promittere votis.
Complorate Mei! lugete Ascescos Umbrae!
Quas Tanti solata diu præsentia Phœbi
Munifico nunquam renuit ditare sereno.
Squalleat atratus paries! pallescite muri!
Quos nuper vidit veniens assurgere PRINCEPS.
Addiscant lamenta Scholæ, plorate Minervæ
Signa! Cleantheos ceris funebribus ignes
Palladij miscete tholi! nox, funus & umbras,
Lucubrata decet. Concludant Justa Stagyrae;
Eurippus fundat lachrymas; gemituq; perorent
Rostra, parentales inter squallentia pannos;
Occident elegos, tragicum vel dramma Camænæ;
Discens ritè loqui, minorenne Pallados agmen
Nunc LUBOMIRIUM pennâ deploret, & ore,
Nunc Superum requiem clamosâ voce precetur
HIERONYMO; doctis *Mæcenæ Maxime* fastis
Æternabit Honor Tuus, ac oblivia vincet.
Te scribing memores calami, Te lingua loquetur,
Nec tener affectus desistet laude renasci.
Vidimus ô PRINCEPS! totum Te impendere nobis,
Nunc Cordi placuisse Tuo, meruisse Paternum
Nos animum demonstrat Amor, qui lipsana Cordis
Committit fidei nostræ, bustoq; perenni.
Nec tumultum COR quære alibi, Tibi pectus apertū est.
In crystallo dabit lachrymas; & carmine Magnæ
Reliquijs Animæ pietas æterna litabit.
Totaq; funereos *Calasantis* habente colores
Veste parentabit; Tibi semper præfica vivet;
Nec luctum, nisi cum vita simul, exuet unquam.





